

► *Fundacion Accion Ambiental mas Activo y Structura* **Ta lamenta cu solamente politica ta wordo hunga cu e desaroyo na Seroe Colorado**


ORANJESTAD

Resientemente a sali publica den un corant local den un seccion special puntrando unda Accion Ambiental a keda relaciona cu un problema cu tin. Wel Fundacion Accion Ambiental tey tur dia vigilando, educando, investigando y tratando di proteha nos medio ambiente lo mas hopi posibel. Fundacion Accion Ambiental pa medio di su presidente Marcos Bislip ta informa cu e fundacion di medio ambiente resientemente a wordo restructura den un structura completamente

nobo cu miembronan nobo, y den un forma hopi profesional y obhetivo:

Fundacion Accion Ambiental por a tuma nota di diferente publicacion di parti di gobierno mencionando cu e Hotel na e area di Sero Colorado no ta bin mas pa awor, pa motibo cu e Grupo di Urbina/Fuentes no a cumpli un biaha mas. Fundacion Accion Ambiental ta bolbe haya rason, segun Bislip. Pero asina mes Gobierno un biaha mas ta purba di trece un of otro grupo pa forsa toch pa desaroyo e proyecto di un of mas Hotel den e area di Sero Colorado.

Actualmente Fundacion Accion Ambiental ta finalizando su investigacion den e area di Sero Colorado pa asina traha un raport final di Sero Colorado, acompaña pa un experto for di exterior pero residencia na Aruba. Fundacion Accion Ambiental ta lamenta masha hopi mes cu solamente politica



Marcos Bislip

ta wordo hunga cu e desaroyo na Sero Colorado, si no ta e Proyecto di Race Track di AVP/OLA awor ta Hotelnan na Sero Colorado di partido MEP. 'Nos Fundacion Accion Ambiental no ta kere den un politica di ban desaroya un area of proyecto adhoc di awe pa mañan pa complace nos amigonan y algun votadornan na San Nicolas. Fundacion Accion Ambiental for di cuminsamento a trece alternativanan pa e desaroyo di Sero Colorado, pero haciendo investigacionnan mas profundo di parti di nos expertonan bon prepara a bin resulta cu e area na unda cu kier a traha e Race Track, y na unda tabata Hospital bieuw di Lago te na Sero Colorado technicamente no ta

recomendabel. Na prome luga pa e seguridad di e structura di construccin di e edificio na e areanan menciona y pa e mantencion cu lo costa mas di loke e proyecto y e edificio mes lo costa," Bislip ta bisa.

Pa loke ta e area di Baby Beach esaki tampoco ta recomendabel, pa motibo di seguridad for di lama y for di e

refineria mes. Esaki ta basa ariba informacionnan concreto cu nan ta bisa di a ricibi for di un bon fuente na Baby Beach mes, na unda cu 99% di turistanan Mericano cu ta usa Baby Beach a vocifera nan opinion y nan malcontento pa cu construccin di hotel na areanan di Baby Beach.

Fundacion Accion Ambiental ta bisa cu nan no ta bai reacciona ariba ningun publicacion di gobierno, grupo of persona den comunidad, cu no por muestra lo contrario y cu prueba, di loke nan como organizacion serio pa cu medio ambiente ta haci pa Aruba.

Pa loke ta e reaccion di Minister Booshi Wever cu nan y Fundacion Accion Ambiental ta di buena bida, 'nos reaccion ta masha cortico y simpel: no kere cu nos tin e mesun buena bida cu bo persona. Loke nos Fundacion Accion Ambiental a haci ariba tereno local y internacional ta demasiado compara di loke bo persona como Minister por a haci te na e momentonan aki pa nos comunidad."

Un biaha mas e Fundacion Accion Ambiental ta enfatisa cu nan tin asina hopi trabao pa haci,

pa nan no por bai sinta perde tempo cu personanan cu caracter terco y egoista.

Fundacion Accion Ambiental tin 9 aña di existencia, y otro aña cu Dios su poder ta cumpli 10 aña di existencia, dia 29 di April 2004. Tabata na 1994 cu e Fundacion a keda oficialmente funda como fundacion di medio ambiente y pa investiga problemanan climatologico y atmosferico relaciona cu e Capa di Ozone y e fenomeno El Ninjo y La Ninja cu ta haci efecto ariba nos salud y medio ambiente tanto na nos fauna y flora.

Actualmente Fundacion Accion Ambiental ta recolecta datonan y sacando potretnan y filmando tur loke ta di vital importancia, pa mantene asina records di tur loke tin di haci cu medio ambiente warda y registra. Pa mas informacion relaciona cu problemanan di medio ambiente por tuma contacto cu e centro di observacion ATSOC na tel: 5845211 of na fax: 5845211 como tambe na cel: 9644559

e - m a i l :
environmentaction@yahoo.com